


歷代 日記叢鈔



學苑出版社

歷代日記叢鈔

第六二冊



江蘇金壇縣守城日記

江蘇金壇縣

守城日記

金壇守城雜記序

烏乎人無論智愚賢不肖聞忠義
節烈可歌可泣之事莫不攘臂扼
腕涕泗滂沱一旦大變當前靡然
色沮或倉皇解若激於一時之
憤而死者有之若乃坐困危城綿
歷百日備嘗艱苦屢挫兇鋒求

援不援乞餉無餉又奉當道之招
俾圖後效亦庶幾藉口以告無
罪已幸之毅然不顧與民敦死勿
去求諸史策若張睢陽顏常山數
公外指不多屈惟我李君後石觀
察挺生當世接武古人可謂難矣
請於咸豐戊午以舍人出外為軍

司馬與觀察相晤於宦廨班荆
數語思遽別去不逾月聞君奉
金壇之檄又三年而賊勢大猖初
不意君之能慷慨赴義震鐔古
今如此也嗟乎當粵寇初起
統兵大帥封疆大吏或走或死
或困束手一隅使叛者取突蹠

躍幾編天下使其時君得肩節
鉞之任建五丈之旗必能扼賊之鋒
制賊之命何至塗炭名萬生靈膏
血靡數千萬帑藏金錢如此其極
哉然而觀察千古矣可勝慨哉可
勝慨哉

光緒七年歲次辛巳仲春三品銜

前署蘇州府事北平楊靖綬
南拜序



序

二

八

余嘗流覽史冊每見自古志節之士躬遭
寇亂或從容就義或慷慨成仁未嘗不流
連久之今讀孝穆公知觀察忠義傳及金
壇日記尤為欽歎不置焉庚申冬夏東
南塗炭色里邱墟生民之禍烈矣使其時
握兵柄者扼賊之衝而制其死命賊勢早
至去猖而乃倉皇失據浩劫淪胥後使君
因轍一隅嗚呼幾矣感豐丁巳戊午間事亦

石觀宋曾共事雲間朕其窮達有辨時
異日是考大任卒以蘇岳孤城困守凡百餘日
兵卑的謂城亡與亡其盤根錯節為何由
哉謬云疾風知勁草烈火見真金乃見今觀
於見尤信

光緒丙戌五月陽羨任道銘輯跋

金壇守城日記引 并日記統列入金壇縣志

男智植校刊

國家

列聖繼統越二百年民生其間涵濡煦嫗老死不見兵革間
有跳梁小醜及時埽蕩廓清蓋天下之平久矣髮逆洪
秀全之倡亂桂平也其初亦草竊類耳浸以蔓延跨粵
踰湘蹊鄂躡豫章皖城蹙吳越蹂魯豫分蹙閩蜀而莫
毒且久於竊踞金陵金壇鎮屬也距金陵二百里而近
城小而完守易地瘠而不險守難咸豐庚申三月二十
二日溧陽陷賊竄金壇攻七日兵練擊走之時四明李

侯淮知縣事李侯之來也值師旅饑饉之後民困未紓
期年而政和以賊氛侵逼躬率局紳察團練蒐軍實爲
戰守計初賊敗走陷旬容民方幸無恐侯獨策賊必回
竄益戒嚴果未踰月金陵潰圍而賊虜至侯乃編民練
登陴誓死守先是援壇官軍三千有奇總兵蕭知音參
將周天孚艾得勝分統之不相屬艾性悻悻讓不協李
侯一以柔劑之分守之議世定蕭部翟都司先使曹守
潘銅榮並馬雲臺軍東北門戴都司廷魁謝縣丞炳南
曹世明艾部王文榮劉尙德軍小南門城外七軍首尾
聯絡永有卡關有鍵三統帶率親軍官紳督民練居中

策應而晝瞭夜警則按戶出丁民輒踴躍用命當是時
邑之四望西南失甸溧矣苟東道可通藉常州帥府重
兵與丹陽爲犄角蔽障下游阻遏其勢東南大局可無
虞也無如大營一潰忠武繼亡逆焰燎原掩常席蘇直
犯西浙而壇以彈丸峙賊中岌岌不可終日方賊圍之
未合也李侯恐防兵不足飛請濟師制府檄蕭總兵艾
參將各增一軍倉猝招集蕭號強勝艾奇勝率情遊無
賴市井烏合之徒狡黠難制且餉未請回而精臺淪沒
壹是皆仰支於局每戰索重犒至括簪珥助之猶未饜
騎兵悍弁之心厥後擾民勾賊煽惑叛降之禍肘腋叢

生而官紳民練防內甚於防外溯自四月初旬賊圍四合火攻機攻輒敗退乃舍城而攻營營將且戰且拒疊卻之惟五月晦前一日艾卡新勇導賊破曹營踞之越三日王文榮劉尙德以奇勝勇叛投賊馬雲臺寅夜棄營懸城入將內構事洩蕭總兵戮以徇餘營恐難恃悉徹入城伺間出擊城外七營盡失賊得逼城築長濠而城遂面面受敵矣然李侯固守力拒以待援師者又閱月瀝血函蠟乞援書二十餘道惟一達徽郡一達甯國再達鎮江兩得師知府榮光回文前言各路請兵後言馮總兵子材已奉

旨赴援起師有日令嚴守以待時七月初旬旋傳援兵自丹陽敗回士民皆有死心矣十六日戊申未曙天大霧咫尺不辨外賊乘城兵練死相拒叛將奚全勝馬星圖衣賊黃衣率所部爲內應參將周天孚冒賊陣刃數賊力竭陣亡城陷知縣李淮游擊蘇坤城守營千總金詔局紳封員吳秉禮同知馮繼蕃貢生于長齡訓導于榮甸等死之蕭知音奔鎮江艾得勝被執爲賊殺是役也自三月戒嚴迄城陷凡五閱月其守城禦賊之要以及和將領輯人心李知縣主之籌糧餉備器械總局紳士任之結坊團司巡緝分局紳士任之而凡衝鋒截擊守架